

## ხელშეკრულება (პერიმეტრი)

№ 03/11

”29” ივლისი 2020წ.

ერთი მხრივ, ა(ა)იპ სოფლისა და სოფლის მეურნეობის განვითარების სააგენტო (შემდგომში - შემსყიდველი), წარმოდგენილი დირექტორის პირველი მოადგილის **ოთარ შამუგიას** სახით და მეორე მხრივ, საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი (შემდგომში - მიმწოდებელი), წარმოდგენილი შიდა ქართლის რეგიონალური დაცვის პოლიციის სამმართველოს უფროსის **გიორგი მეზვრიშვილის** სახით, სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანების მე-2 მუხლის „ა“ პუნქტის და სახელმწიფო შესყიდვების შესახებ კანონის მე-3 მუხლის პირველი პუნქტის „ს“ ქვეპუნქტის საფუძველზე ვდებთ წინამდებარე ხელშეკრულებას შემდეგზე:

### მუხლი 1. ხელშეკრულების საგანი

- 1.1. ”მიმწოდებლის” მიერ მხარეთა შორის გაფორმებული მონტაჟის ხელშეკრულების მოკვლევის აქტის (შემდგომში - დანართი N2) საფუძველზე, „შემსყიდველის” ობიექტის (თაფლის გადასამუშავებელი საწარმო) (შემდგომში - ობიექტი) პერიმეტრული სიგნალიზაციით დაცვა, რომელიც მდებარეობს მისამართზე: ქ. გორი, სოფელი ბერბუკი
- 1.2. „ობიექტის“ დაცვა განხორციელდება „შემსყიდველის“ მიერ „ობიექტის“ დაცვის ცენტრალიზებულ პულტზე (შემდგომში - პულტი) ჩაბარებისა და „მიმწოდებლის“ მიერ ობიექტის დაცვაში აყვანის შემდეგ;
- 1.3. „ობიექტის” დაცვას განხორციელებს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის შიდა ქართლის რეგიონალური დაცვის პოლიციის სამმართველო.
- 1.4 კლასიფიკატორის კოდი CPV - 79713000

### მუხლი 2. ხელშეკრულების ღირებულება და ანგარიშსწორების პირობები

- 2.1. დაცვის მომსახურების საერთო ღირებულება შეადგენს **750.00** (შვიდას ორმოცდაათი) ლარს, დღგ-ს ჩათვლით, რომელიც გადახდილ უნდა იქნეს ხელშეკრულების მე-7 მუხლით გათვალისწინებულ „მიმწოდებლის” საბანკო რეკვიზიტებზე.
- 2.2 ერთი თვის დაცვის მომსახურების ღირებულება შეადგენს **250.00** (ორასორმოცდაათი) ლარს, დღგ-ს ჩათვლით;
- 2.3 ანგარიშსწორება მხარეთა შორის მოხდება სახელმწიფო ბიუჯეტიდან, გაწეული მომსახურების თაობაზე მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღეში.
- 2.4 „მიმწოდებლის” მომსახურების საგადასახადო დოკუმენტაციის გამოწერას უზრუნველყოფს სსიპ - დაცვის პოლიციის დეპარტამენტის შიდა ქართლის რეგიონალური დაცვის პოლიციის სამმართველო.
- 2.5 შემსყიდველის მხრიდან ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტის გაფორმებაზე პასუხისმგებელ პირს წარმოადგენს: ა(ა)იპ „სოფლისა და სოფლის მეურნეობის განვითარების სააგენტოს” რეგიონებთან ურთიერთობის დეპარტამენტის შიდა ქართლის რეგიონალური სამსახურის უფროსი მამუკა ლომსაძე (ტ: 591 19 29 14).

### მუხლი 3. მხარეთა უფლება-მოვალეობანი

#### 3.1 „მიმწოდებელი“ ვალდებულია:

- 3.1.1 „პულტზე“ სიგნალ „განგაშის“ (შემდგომში - განგაში) მიღებიდან არაუგვიანეს 5 (ხუთი) წუთისა მოახდინოს „ობიექტზე“ გამოცხადება და აუცილებლობის შემთხვევაში „პოლიციის შესახებ“ საქართველოს კანონის შესაბამისად გაატაროს შესაბამისი ღონისძიებები, „ობიექტზე“ მომხდარი სამართალდარღვევის ფაქტის შესახებ დაუყოვნებლივ აცნობოს ”შემსყიდველს” და უზრუნველყოს შს შესაბამისი ორგანოების გამოძახება, ხოლო მათ მოსვლამდე დაიცვას შემთხვევის ადგილის ხელშეუხებლობა;
- 3.1.2 „შემსყიდველს” ფაქტიური ზარალი აუნაზღაუროს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ დასკვნის საფუძველზე. ზიანის ანაზღაურება მოხდება მხოლოდ იმ შემთხვევაში თუ „მიმწოდებლის“ მიერ დარღვეულია ხელშეკრულებით ნაკისრი ვალდებულებები; (ეს პუნქტი იკსებება მხოლოდ იურიდიული პირთან ხელშეკრულების გაფორმების შემთხვევაში).
- 3.1.3 „შემსყიდველს” ფაქტიური ზარალი აუნაზღაუროს სასამართლოს კანონიერ ძალაში შესული გადაწყვეტილების საფუძველზე.
- 3.1.4 „განგაშის” მიღებისას, ობიექტის გასახსნელად, სიგნალის ამუშავების მიზეზის დასადგენად, აგრეთვე ობიექტის ხელმოწოდებელ დაცვაში ასაყვანად, გამოიძახოს „შემსყიდველი” ან „ობიექტის” მიღება-ჩაბარებაზე პასუხისმგებელი პირი;

3.1.5 თუ „მიმწოდებლისგან“ დამოუკიდებელი მიზეზებით ვერ ხერხდება „ობიექტის“ დაცვაში აყვანა, არ მიიღოს „ობიექტი“ დაცვაში და აღნიშნულის თაობაზე აცნობს „შემსყიდველს“;

### 3.2 „შემსყიდველი“ ვალდებულია:

3.2.1. ხელშეკრულების მე-2 მუხლის მოთხოვნათა შესაბამისად გადაუხადოს „მიმწოდებელს“ მომსახურების ღირებულება;

3.2.2. ვალდებულია დაიცვას დამონტაჟებული დაცვის ტექნიკური საშუალებების ექსპლუატაციის წესები;

3.2.3. არ დაუშვას „ობიექტის“ დაცვის ხელშეკრულების მოქმედების პერიოდში დაცვის ტექნიკური საშუალებების გადაკეთება ან შეკეთება „მიმწოდებლის“ წარმომადგენლის გარეშე. წინააღმდეგ შემთხვევაში „მიმწოდებელი“ არ აგებს პასუხს „შემსყიდველის“ თვითნებური მოქმედებით გამოწვეულ გაუმართაობაზე (შეფერხებაზე) და მისგან გამოწვეულ ნებისმიერი სახის ზიანზე.

3.2.4. „ობიექტის“ დაცვაში მიღება-ჩაბარებისათვის ოფიციალურად გამოყოს პასუხისმგებელი (ნდობით აღჭურვილი) პირი და გადასცეს მას დაცვის ტექნიკური საშუალებებით სარგებლობის ან ხელშეკრულებით გათვალისწინებული სხვა ვალდებულებების შესრულების უფლება;

3.2.5. „განგაშის“ შემთხვევაში „მიმწოდებელს“ მისცეს „ობიექტის“ გახსნისა და დათვალიერების საშუალება;

3.2.6. უცხო პირებს არ გაანდოს დაცვის ტექნიკური საშუალებების გამოყენების წესები, ობიექტზე მინიჭებული პირობითი ნომერი;

3.2.7. დაცვის ტექნიკური საშუალებების გაუმართაობის შემთხვევაში, დაუყოვნებლივ აცნობოს ამის შესახებ „მიმწოდებელს“, დაელოდოს მისი წარმომადგენლის გამოცხადებას და ნაკლოვანებების აღმოფხვრას;

3.2.8. „ობიექტის“ დაცვითი მომსახურების უწყვეტობის უზრუნველყოფის მიზნით, ელექტროენერჯის ავარიული გამორთვის შემთხვევაში იქონიოს გამართულ მდგომარეობაში დასამუხტი და სარეზერვო მკვებავი საშუალებები. წინააღმდეგ შემთხვევაში „მიმწოდებელი“ იხსნის პასუხისმგებლობას შემსყიდველის წინაშე ნებისმიერი ზიანის ანაზღაურებაზე;

3.2.9. ხელშეკრულების მე-6 მუხლის 6.2 პუნქტში მითითებული აპარატურის (რომელიც წარმოადგენს „მიმწოდებლის“ საკუთრებას და დაცვის განხორციელების მიზნით გადაცემულია „შემსყიდველისთვის“ დროებით სარგებლობაში) დაზიანებისას ან დაკარგვისას, აგრეთვე დაცვის მომსახურების ხელშეკრულების შეწყვეტიდან ან ძალადაკარგულად გამოცხადებიდან 5 სამუშაო დღეში „მიმწოდებლისთვის“ დაუბრუნებლობის (აპარატურის დემონტაჟს უზრუნველყოს „მიმწოდებელი“) შემთხვევაში, 5 სამუშაო დღის განმავლობაში აანაზღაუროს მიყენებული ზარალი, სათანადო მიღება - ჩაბარების აქტით განსაზღვრული ღირებულების შესაბამისად;

3.2.10. მხოლოდ „მიმწოდებელთან“ შეთანხმებით გადასცეს პასუხისმგებელ (ნდობით აღჭურვილი) პირს „ობიექტზე“ შესვლის, დაცვის ტექნიკური საშუალებებით სარგებლობისა და ამ მუხლის 3.2.5, 3.2.6, 3.2.7, 3.2.8 პუნქტებით გათვალისწინებული ვალდებულებების შესრულების უფლება;

3.2.11. უზრუნველყოს ხელშეკრულების N2 დართით განსაზღვრული მოთხოვნების შესრულება;

3.2.12. რეკვიზიტების (მისამართი, საკონტაქტო ტელეფონები, ელექტრონული მისამართი) შეცვლის შემთხვევაში, დაუყოვნებლივ აცნობოს „მიმწოდებელს“;

3.2.13. „განგაშის“ ან ტექნიკური ხარვეზის მიზეზების დადგენისა და „ობიექტის“ გახსნის მიზნით, თვითონ ან მისი ნდობით აღჭურვილი პირი გამოცხადდეს „ობიექტზე“, „მიმწოდებლის“ უფლებამოსილი დანაყოფისგან ან პირისგან შეტყობინების მიღებიდან გონიერულ ვადაში, მაგრამ არაუგვიანეს 12 საათისა. „შემსყიდველის“ მიერ აღნიშნული ვალდებულების შეუსრულებლობის შემთხვევაში, „მიმწოდებელი“ იხსნის პასუხისმგებლობას შემსყიდველის წინაშე ნებისმიერი ზიანის ანაზღაურებაზე და უფლებამოსილია დატოვოს „ობიექტი“ აღნიშნული ვადის გასვლის შემდგომ;

### მუხლი 4. ფორს-მაჟორი

4.1 მხარეები თანხმდებიან, რომ ფორს-მაჟორში იგულისხმება სტიქიური მოვლენები, საომარი მოქმედება, ბლოკადა, აჯანყება, სახელმწიფოს მიერ მიღებული შემზღუდავი/ამკრძალავი სამართლებრივი აქტები ან/და სხვა მსგავსი მოვლენები, რომლებიც: ა) არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია; ბ) პირდაპირ და უშუალო ზეგავლენას ახდენს მხარეთა მიერ ხელშეკრულებით ნაკისრი ვალდებულებების სრულად ან/და ჯეროვნად შესრულებაზე; გ) არ არის გამოწვეული ან/და დაკავშირებული მხარეთა შეცდომებთან, დაუდევრობასა თუ გულგრილობასთან; დ) დაიწყო ან განვითარდა მხარეთა მიერ ხელშეკრულების ხელმოწერის შემდეგ და რომელთა წარმოშობის შესახებ ხელშეკრულების დადების მომენტში მხარეებს არ შეეძლოთ სცოდნოდათ. ამასთან აღნიშნული გარემოება მხარეთა მიერ შესალოა განხილულ იქნას როგორც ფორს-მაჟორი მხოლოდ იმ შემთხვევაში, თუ აღნიშნული გარემოებების დადგომა უშუალოდ უშლის ხელს მხარეთა მიერ ვალდებულებების შესრულებას.

- 4.2 მხარეები თავისუფლდებიან პასუხისმგებლობისგან ხელშეკრულებით ნაკისრი თავიანთი ვალდებულებების ნაწილობრივ ან სრულ შეუსრულებლობაზე, თუ ეს გამოწვეულ იქნა დაუძლეველი ძალის ზემოქმედებით, რომლის დროსაც შეუძლებელია დაკისრებული მოვალეობების შესრულება (ფორს-მაჟორი);
- 4.3 მხარე, რომლისთვისაც წინამდებარე ხელშეკრულების შესრულება შეუძლებელი გახდა დაუძლეველი ძალის გარემოებათა წარმოქმნის შედეგად, ვალდებულია დაუყოვნებლივ წერილობით აცნობოს მეორე მხარეს ამის შესახებ. წინააღმდეგ შემთხვევაში მხარეს უფლება არა აქვს მიუთითოს ამგვარ გარემოებებზე, როგორც თავისი ვალდებულებების შეუსრულებლობის მიზეზზე;
- 4.4 დაუძლეველი ძალის შედეგად წარმოშობილ ხელშეშლელ გარემოებათა დადგომისას მხარეთა მიერ თავიანთი ვალდებულებების შესრულების ვადა გადაიწევა იმ დროით, რომლის განმავლობაშიც მოქმედებდა ეს გარემოებები;
- 4.5 მხარეებს უფლება აქვთ მოითხოვონ დაუძლეველი ძალის გარემოებების დადგომის წერილობითი დადასტურება, რომელიც გაცემული იქნება უფლებამოსილი სახელმწიფო ორგანოს მიერ.

#### მუხლი 5. მომსახურების გაწევის და ხელშეკრულების მოქმედების ვადები


- 5.1 მომსახურების გაწევის ვადაა 2020 წლის 01 აგვისტოდან, 2020 წლის 31 ოქტომბრის ჩათვლით.
- 5.2 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2021 წლის 01 დეკემბრის ჩათვლით.
- 5.3 „ობიექტის“ ფაქტობრივი დაცვა განხორციელდება „ობიექტის“ დაცვაში (პულტზე) აყვანის დღიდან.
- 5.4 იმ შემთხვევაში, თუ შემსყიდველის მიზეზით „მიმწოდებელი“ 3 თვეზე მეტი ვადით, ვერ ახორციელებს ობიექტის პულტზე აყვანას, ხელშეკრულება ჩაითვლება ძალადაკარგულად.

#### მუხლი 6. ხელშეკრულების სხვა პირობები

- 6.1 ხელშეკრულების განუყოფელ ნაწილს წარმოადგენს მხარეთა შორის გაფორმებული N2 დანართი და მხარეთა შორის გაფორმებული მონტაჟის ხელშეკრულებით გათვალისწინებული სამონტაჟო სამუშაოების მიღება-ჩაბარების აქტი.
- 6.2 ხელშეკრულების მოქმედების ვადით, ხელშეკრულებით გათვალისწინებული მომსახურების უზრუნველყოფის მიზნით, „მიმწოდებლის“ მიერ, მის საკუთრებაში არსებული: რადიო გადამცემი, რადიო მიმღებ-გადამცემი მოწყობილობა, რადიო გადამცემის ყუთი და რადიო გადამცემის პლატა მიღება ჩაბარების აქტის საფუძველზე, დამონტაჟებულია „შემსყიდველის“ ობიექტზე დროებითი სარგებლობის პირობით;
- 6.3 „მიმწოდებელი“ იხსნის პასუხისმგებლობას შემსყიდველის წინაშე ნებისმიერი სახის ზიანის ანაზღაურებაზე, თუ „შემსყიდველი“ არ განახორციელებს ხელშეკრულების N2 დანართით გათვალისწინებულ რეკომენდაციებს (ასეთის არსებობის შემთხვევაში) და ხელშეკრულების მე-3 მუხლის 3.2 პუნქტით ნაკისრ ვალდებულებებს;
- 6.4 მხარეები უფლებამოსილი არიან ცალმხრივად შეწყვიტონ ხელშეკრულება ყოველგვარი მიზეზის გარეშე, ასევე ხელშეკრულებით ნაკისრი ვალდებულებების შეუსრულებლობის შემთხვევაში, რაზედაც მხარეები ხუთი დღით ადრე წერილობით აცნობებენ ერთმანეთს მიღებული გადაწყვეტილების შესახებ;
- 6.5 ხელშეკრულების მე-2 მუხლის 2.2 პუნქტით გათვალისწინებული ვალდებულების დარღვევის შემთხვევაში, „მიმწოდებელი“ უფლებამოსილია მოითხოვოს „შემსყიდველს“ პირგასამტეხლოს გადახდა, ყოველ ვადაგადაცილებულ დღეზე, შეუსრულებელი ვალდებულების 0,2%-ის ოდენობით, ხოლო პირგასამტეხლოს ოდენობის შეუსრულებელი ვალდებულების 5%-ის მიღწევის შემთხვევაში, „მიმწოდებელი“ უფლებამოსილია ცალმხრივად შეწყვიტოს ხელშეკრულება;
- 6.6 „მიმწოდებელი“ უფლებამოსილია ცალმხრივად მიიღოს გადაწყვეტილება დაცვის მომსახურების ტარიფის ცვლილებების შესახებ, რომელიც წერილობით ეცნობება „შემსყიდველს“ ერთი თვით ადრე; ამ ვადაში მხარეთა შეუთანხმებლობის შემთხვევაში, „მიმწოდებელი“ უფლებამოსილია ამ მუხლის 6.4 პუნქტის მოთხოვნათა დაცვით შეწყვიტოს ხელშეკრულება.
- 6.7 „მიმწოდებელი“ ობიექტის დაცვის მომსახურების შეწყვეტიდან არაუმეტეს 7 სამუშაო დღის განმავლობაში განახორციელებს ამ მუხლის 6.2 პუნქტში მითითებული მოწყობილობების (რომლებიც წარმოადგენს „მიმწოდებლის“ საკუთრებას და დაცვის განხორციელების მიზნით გადაცემულია „შემსყიდველისათვის“) შემოწმებას და დემონტაჟს;
- 6.8 „შემსყიდველის“ მოთხოვნის შემთხვევაში, „მიმწოდებელი“ ვალდებულია გასცეს შემსყიდველზე დამატებითი ერთჯერადი ოთხნიშნა კოდი (შემდგომში - კოდი);
- 6.9 შემსყიდველის მიერ კოდის გამოყენება უნდა მოხდეს მხოლოდ იმ შემთხვევებში, როდესაც ობიექტზე მართლსაწინააღმდეგო შეღწევა ან შეღწევის მცდელობა ხორციელდება შემსყიდველზე ან მის უფლებამოსილ პირზე მათი სიცოცხლის ან/და ჯანმრთელობისათვის საშიში რეალური მუქარის საფუძველზე;
- 6.10 კოდის გამოყენების შემთხვევაში, იგი უქმდება და მოთხოვნის შემთხვევაში გაიცემა ახალი კოდი;
- 6.11 კოდის გაცემის ღირებულებაა 15 (თხუთმეტი) ლარი დღგ-ს ჩათვლით, რომელსაც შემსყიდველი იხდის სააბონენტო გადასახადთან ერთად, ოთხნიშნა კოდის გადაცემისა და შესაბამისი მიღება-ჩაბარების აქტის გაფორმების შემდეგ;

- 6.12. საჭიროების შემთხვევაში „შემსყიდველი“ უფლებამოსილია ობიექტის გახსნის მიზნით, ობიექტის გასაღების დუბლიკატი შესაბამის კოდთან ერთად, მიღება-ჩაბარების აქტით გადასცეს „მიმწოდებელს“;
- 6.13. მხარეები თანხმდებიან, რომ „მიმწოდებლის“ მიერ გასაღები გამოყენებული იქნება მხოლოდ იმ შემთხვევაში, თუ სიგნალ „განგაშის“ შემოსვლისას ვერ ხერხდება „შემსყიდველთან“ ან მისი ნდობით აღჭურვილ პირთან დაკავშირება;
- 6.14. „შემსყიდველი“ აცხადებს წინასწარ თანხმობას, რომ ამ მუხლის 6.13 პუნქტით განსაზღვრულ შემთხვევაში გასაღების გამოყენება ჩაითვლება მართლზომიერ გამოყენებად და მას არ ექნება არანაირი პრეტენზია „მიმწოდებლის“ მიმართ;
- 6.15. „შემსყიდველი“ უფლებამოსილია დროებით არ ისარგებლოს წინამდებარე ხელშეკრულებით გათვალისწინებული მომსახურებით (შემდგომში „ხელშეკრულების პასიურ მოქმედება“), რაც გულისხმობს, „შემსყიდველის“ წერილობითი მომართვის საფუძველზე, „ობიექტის“ დროებით პულტიდან გათიშვას;
- 6.16. ამ მუხლის 6.15 პუნქტით გათვალისწინებულ შემთხვევაში, „შემსყიდველი“ ვალდებულია არანაკლებ 5 დღით ადრე, აღნიშნულის შესახებ წერილობით აცნობოს „მიმწოდებელს“;
- 6.17. „მიმწოდებელი“ ვალდებულია, ამ მუხლის 6.16 პუნქტით გათვალისწინებული წერილობითი მომართვიდან გონივრულ ვადაში, მაგრამ არაუმეტეს 5 დღის ვადაში, დროებით შეაჩეროს ხელშეკრულებით გათვალისწინებული მომსახურება;
- 6.18. „ხელშეკრულების პასიური მოქმედების“ შეწყვეტის შემთხვევაში, „შემსყიდველი“ ვალდებულია არანაკლებ 2 დღით ადრე, აღნიშნულის შესახებ წერილობით აცნობოს „მიმწოდებელს“;
- 6.19. „მიმწოდებელი“ ვალდებულია ამ მუხლის 6.18 პუნქტით გათვალისწინებული წერილობითი მომართვიდან გონივრულ ვადაში, მაგრამ არაუმეტეს 2 დღის ვადაში, ამოქმედოს ობიექტის დაცვის მომსახურება;
- 6.20. „ხელშეკრულების პასიური მოქმედების“ პერიოდში, „მიმწოდებლის“ მომსახურების ღირებულება ერთ თვეში შეადგენს 15 (თხუთმეტი) ლარს, დღგ-ს ჩათვლით;
- 6.21. „ხელშეკრულების პასიური მოქმედების“ მომსახურებაზე, ანგარიშსწორება მხარეთა შორის განხორციელდება საგადასახადო დოკუმენტაციის გამოწერიდან 5 სამუშაო დღის განმავლობაში;
- 6.22. ხელშეკრულების „პასიური მოქმედების“ პერიოდში „ობიექტზე“ დამონტაჟებულ აპარატურაზე პასუხისმგებელია „შემსყიდველი“;
- 6.23. სადავო საკითხებს მხარეები წყვეტენ ურთიერთშეთანხმებით, ხოლო 30 დღის ვადაში შეთანხმების მიუღწევლობის შემთხვევაში სასამართლოს მეშვეობით;
- 6.24. ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წარმოადგენს ხელშეკრულების შემადგენელ და განუყოფელ ნაწილს;
- 6.25. შემსყიდველის თანხმობის შემთხვევაში, „მიმწოდებელი“ უზრუნველყოფს დასაცავი ობიექტიდან პულტზე შემოსული ინფორმაციის (გახსნის, დაკეტვის და განგაშის) მოკლე ტექსტური შეტყობინების (SMS) სახით „შემსყიდველისათვის“ მიწოდებას, ამ უკანასკნელის მიერ მითითებულ ტელეფონის შემდეგ ნომერზე: 591192924
- 6.26. აღნიშნული მომსახურება ერთ ობიექტზე ერთ სატელეფონო ნომერზე უფასოა, ხოლო მომდევნო ტელეფონის ნომერზე თვეში შეადგენს 1 (ერთი) ლარს, დღგ-ს ჩათვლით.
- 6.27. ხელშეკრულება შედგენილია ერთ ეგზემპლარად.

**მუხლი 7. მხარეთა რეკვიზიტები და ხელმოწერები**

<p><b>„მიმწოდებელი“</b>  შსს სსიპ- დაცვის პოლიციის დეპარტამენტისშიდა ქართლის რეგიონალური დაცვის პოლიციის სამმართველო. ს/კ 211350928ქ. გორი, სუხიშვილის ქ N26 მიმღები ბანკი_ სახელმწიფო ხაზინა; მიმღების დასახელება_ ხაზინის ერთიანი ანგარიში; ბანკის კოდი_ TRESGE22; მიმღების ანგარიში/სახაზინო კოდი_ 707117045</p> <p>სამმართველოს უფროსი</p> <p>გ. მეზვრიშვილი.</p>	<p><b>„შემსყიდველი“</b>  ა(ა)იპ სოფლისა და სოფლის მეურნეობის განვითარების სააგენტო. ს/კ 40923785  მისამართი: ქ. თბილისი მარშალ გელოვანის გამზირი N6  ტელ :577151555. 591910091  დირექტორის პირველი მოადგილე</p> <p>ო. შამუგია.</p> 
---	---

ხელწერილი

ინტერესთა კონფლიქტის არარსებობის შესახებ

ქ. თბილისი

29 ივლისი 2020 წელი

მე, ქვემოთ ხელის მომწერი ვადასტურებ, რომ "მიმწოდებლის" მიერ მხარეთა შორის გაფორმებული მონტაჟის ხელშეკრულების მოკვლევის აქტის (შემდგომში - დანართი N2) საფუძველზე, „შემსყიდველის“ ობიექტის (თაფლის გადასამუშავებელი საწარმო) (შემდგომში - ობიექტი) პერიმეტრული სიგნალიზაციით დაცვა, რომელიც მდებარეობს მისამართზე: ქ. გორი, სოფელი ბერბუკი - შესყიდვის განხორციელებასთან დაკავშირებით, შსს სსიპ-დაცვის პოლიციის დეპარტამენტისშიდა ქართლის რეგიონალური დაცვის პოლიციის სამმართველოსთან 2020 წლის 29 ივლისს გაფორმებული ხელშეკრულების ფარგლებში, ჩემი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფები.

დირექტორის პირველი მოადგილე

ო. შამუგია -

